

fit? Sed hunc vivum mittamus, & Deum precemur ut & nostri misertus & illius, det ut in statione cuiquam nostrum divinitus assignata, naviter Dei consilio obediamus. Deum oro ut tibi & tuis omnibus clementer adsit, salutaria consilia suggerat, & eventus placidos concedat. Magnifico Domino Parenti tuo, fratribus & sororibus, salutem plurimam precor, & felix auspiciam non hujus solum ineuntis, sed etiam omnium vitæ vestræ annorum. Quæso ut de Repub. & de Ecclesia, (e) si quid ἀξιόλογον habes, perscribas. De Nuptiis tuis nihil audio. Si quid est, fac ut intelligam, ut bene precari possim. Doctori Lazaro Koetzlero, amico mihi caro plurimam salutem dico. Bene vale 4. Jan.

*Scripsi vernaculo sermone parvum libellum consolatorium, in gratiam Civium, quem libenter tibi misissem: sed puduit onerare D. Giphanium. Bonus Vir Melchior Schlauderspachius huc ad nos redire cupit, ut ex literis ejus collegi. Hottomannus Mombelgardii hæret.*

Qui te tuosque vere diligit.

J. Grynæus.

EPI.

---

(e) videmus ex his verbis sollicitudinem Grynæi de Republ. & Ecclesia præcipue, quæ tamen frustra-nea erat.